

Kommuneqarfik Sermersuumi najukkani ataatsimiititaliat suleriaasiat

Ataatsimiititap siulittaasua aamma siulittaasuata tullia.

§ 1. Ataatsimiititaliap inissitsiterluni ataatsimeeqqaarnissaanut ilaasortaq angajulleq (utoqqaanerpaaq) aggersaassaaq. Ilaasortat akornannit Najukkami Ataatsimiititaliap siulittaasussaa inissitsiterluni ataatsimeeqqaarnermi amerlanerpaanik taaneqartoq siulittaasunngussaaq. Ataatsimiinneq ilaasortamit angajullerpaamit (utoqqaanerpaaq) aqunneqassaaq. Siulittaasumik qinersineq pereerpat, najukkami ataatsimiititaliaq siulittaasup tullianik qinersissaaq, taannalu siulittaasumut taartaasassaaq.

Ataatsimiititaliami ataatsimiittarneq

§ 2. Ataatsimiititaliap sulinini ataatsimiinnerni ingerlatissavaa.

Imm. 2. Ileqquusumik ataatsimiinnerit qaqugu sumilu ingerlanneqassanersut najukkami ataatsimiititaliap aalajangertassavaa. Piffissaq sumiiffillu kingusinnerpaamik ullut 14it sioqqullugit tamanut nalunaarutigineqartassapput. Inissitsiterluni ataatsimiinnermi ukiumut ataatsimiiffissat najukkami ataatsimiititaliamit akuersissutigineqassapput.

Imm. 3. Ataatsimiititaliap ataatsimiittarneri ammasuupput. Suliap qanoq ittuussusaa pissutigalugu suliaq ataatsimiinnermi matoqqasumi pisariaqarsorineqarpat, najukkami ataatsimiititaliamit oqaluuserineqarsinnaavoq. Suliassap matoqqasumik ataatsimiissutigisariaqarneranik apeqqut matoqqasumik ataatsimiinnermi isumaqatiginninniutaassaaq, taamaaliornissaaq najukkami ataatsimiititaliamit imaluunniit siulittaasumit aalajangerneqarpat.

Imm. 4. Najukkami ataatsimiititaliap inuit kommunimi atorfeqartut akuerisinnaavai suliassat matoqqasumik oqaluuserineqarnerat najuuffigisinnaagaat. Taamaattorli Qinikkanut Allatseqarfimmit sulisumik peqataatitsisoqartuaannarsinnaavoq, aamma suliata ataatsimiinnerni matoqqasuni oqaluuserineqarnerisa nalaanni. Suliassap matoqqasumik oqaluuserineqarnerani inuit allat najukkami ataatsimiititaliap aggeqqusinnaavai suliassap nassuiarneqarnissaa pissutigalugu tamanna kissaatiginarpat.

Imm. 5. Najukkami ataatsimiititaliap allatseqarfimmit ikiortaa tassaassaaq allattaavimmut allattuisartoq ataatsimiititaliaq allamik aalajangiussaqaarsimanngippat.

Imm. 6. Ataatsimiititaliap ilaasortaa ataatsimiinnissamut peqataasinnaanngikkuni ataatsimiinnissamut aggersaassut tiguniariaruniuk siulittaasumut nalunaaruteqartassaaq. Siulittaasup sinniisussaaq siulleg ataatsimiinnissamut aggersassavaa. Aalajangikkanut allattaavimmut ataatsimiinnerit tamarluinnaasa ilaasortat kikkut najuutinnginnersut kikkullu nalunaaruteqarlutik najuutinnginnersut allattorneqassapput

Oqaluuserisassat nassiunneqartarnerat suliallu saqqummiunneqartarnerat

§ 3. Oqaluuserisassanik suliaqarnissamut siulittaasoq akisussaasuvoq. Oqaluuserisassat aammalu atortussat suliani oqaluuserisassanngortinneqartuni nalilerneqartussat pisariaqartut ataatsimiinnissaq ullunik suliffiusunik sisamanik sioqqullugu ilaasortanut nassiunneqarnissaat siulittaasumit isumagineqassapput. Taanna ilutigalugu ataatsimiinnissap tungaanut atortussat kommunip allaffiani ilaasortanit alakkarneqarsinnaasunngorlugit saqqummiunneqarsimasassapput.

Imm. 2. Ataatsimiinnissaq ullunik arfineq-pingasunik sioqqullugu (nal. 12.00) ilaasortaq allakkatigut suliaqarnissamik nassiussaqaarsimappat siulittaasup tamanna ataatsimiinnissamut siullermut tulluuttumut oqaluuserisassanut ilanngunneqarnissaa isumagissavaa.

Imm. 3. Immikkut ittumik ataatsimiittoqartassaaq taamaaliortoqarnissaa siulittaasup pisariaqartippagu, imaluunniit ilaasortat ikinnerpaamik pingajorarterutaasa tamanna piumasaaqatigippasuk. Immikkut ittumik ataatsimiinnerit qaqugu sumilu pissasut siulittaasumit aalajangerneqartassapput, tamakkulu sapinngisamik tamanut nalunaarutigineqartassapput.

Imm. 4. Oqaluuserisassaq kinguartinneqarsinnaanngippat oqaluuserisassat atortussallu pisariaqartut piffissaasoq eqquutsinnagu nassiunneqarsimagaluartut, najukkami ataatsimiititaliaq aalajangiisinnaavoq. Oqaluuserisassat imaluunniit atortussat pisariaqartut piffissaasoq eqqorlugi nassiunneqarsimanngippata tamanna oqaluuserisassanut allanneqarnissaa siulittaasumit isumagineqassaaq. Suliap nassiunneqarsinnaannginneranut/kinguartinneqarsinnaannginneranut tunngavilersuutit oqaluuserisassamittaaq allanneqassapput.

Imm. 5. Suliap imarisai najukkami ataatsimiititaliap ataatsimiinnerani oqaluuserineqartussat, kiisalu aalajangiisinnaanermut najoqqutassiaq nipangiussisussaataaneq pillugu inatsisitigut malittarisassaq malillugu sapinngisamik tamanut saqqummiussinnaasat assersuutigalugu kommunip allaffiatigoorlugi saqqummiunneqartassapput.

Aalajangiisinnaassuseqarneq

§ 4. Paamiuni, Tasiilami aamma Ittoqqortoormiini najukkami ataatsimiititalianut ilaasortat ikinnerpaamik pingasut najuutsillugit aalajangiisinnaatitaapput. Nuummi najukkami ataatsimiititaliamut ilaasortat ikinnerpaamik arfineq-marluk najuutsillugit aalajangiisinnaatitaapput.

Imm. 2. Ataatsimiititaliaq nalinginnaasumik amerlanerussuteqarnikkut aalajangiisinnaassuseqarpoq.

§ 5. Aningaasaliissutit nammineq atugassat isummerfiginissaannut suliani najukkani ataatsimiititaliat aalajangiisinnaatitaapput. Agguaanneqartussatut siunnersuutit siunertaat-pitsaassusaallu qularnaarniarlugu Qinikkanut Allatseqarfimmut nassiunneqassaaq, Aningaasaqarnermullu Ataatsimiititami akuerineqassalluni.

Imm. 2. Najukkami Ataatsimiititaliamut aningaasaliissutinit sumiiffimmi najugaqartut, peqatigiiffiit, kommunimi politikerit aamma oqartussat akornanni suleqatiginnerat, kiisalu sumiiffinni innuttaasut taakkulu timitalimmik, kulturikkut oqartussaaqataanerisalu periarfissaasa naleqartitaasalu attannissaat inerisaqqinnissaallu siuarsarneqassapput. Aningaasaliissutit

akisussaaffigineri kommunimit piginnaatitsissummut kiisalu inatsisit allat atuuttut naapertorlugit isumagineqassapput.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.

§ 6. Siulittaasup ataatsimiititaliap ataatsimiinnera aqussavaa.

Imm. 2. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 3. Oqaluuserisassat tulleriarneqarnerisa qanoq ingerlanneqarnissaat siulittaasup aalajangigaatut ingerlanneqartassaaq Oqaluuserisassatut tulleriissaarneqarsimasut malinnagit ingerlatsisoqarsinnaavoq. Ilaasortalli ataatsip oqaluuserisassat qanoq tulleriinnilersorneqassanersut kissaatigippagu oqaluuserisassat akuerineqannginnerini tamanna allanngortinneqarsinnaavoq.

Imm. 4. Suliassaq oqaluuserisassanut nassiunneqartunut ilanngunneqarsimanngitsoq sularineqarsinnaanngilaq, tamanna isumaqatigiissutigineqarsimatinnagu, imaluunniit suliassaq kinguartinneqarsinnaanngippat.

Imm. 5. Siulittaasup apeqqutit isumaqatigiinniarnertit aqunneqarnissaannut tunngasut tamaasa qanoq ingerlanneqassanersut aalajangersassavaa. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq. Apeqqut tassunga tunngasoq ataatsimiinnissami tullermi ilaasortap eqqartugassanngortissinnaavaa.

Imm. 6. Immikkoortut taasissutigineqartussat siulittaasup oqaasertalersussavai.

Suliami peqataasinnaannginneq.

§ 7. Ilaasortap Najukkami Ataatsimiititaliaq suliamut atatillugu attuumassuteqarpallaarnini pissutigalugu Najukkami Ataatsimiititaliap ataatsimiinnissaani aalajangeeqataasinnaannginnermi apeqqusernartoqartinnera pillugu kalerriisussaataavoq.

Imm. 2. Tamanna pillugu ataatsimiinnerup aallartinnginnerani siulittaasoq nalunaarfigissavaa

Imm. 3. Suliamut najukkami ataatsimiititaliap ataatsimiinnerani oqaluuserineqartussamut tunngatillugu ilaasortaq attuumassuteqarpallaartussaasoq naatsorsuutigineqarpat, suliap oqaluuserineqarnissaanut sinniisoq siulleq siulittaasumit ataatsimiigiaqquneqassaaq. Sinniisussaq siulleq pisinnaanngippat sinniisussap tullia aggersarneqassaaq il.il.

Imm. 4. Ataatsimiititaliaq aalajangiisssaaq ilaasortap soqutigisaasa qanoq innissisimanerat aallaavigalugu suliamut tunngatillugu ilaasortaq ataatsimiititaliap isumaqatigiinniarnerni taasineranilu peqataatitaasinnaanersoq. Ataatsimiititaliap ilaasortap suliamut qanoq attuumassuteqartiginera pillugu nalilersuineq ingerlatissavaa taasissutigissallugulu. Ilaasortaq pineqartoq nalilersuinnermi peqataasinnaatitaavoq taaseqataasinnaatitaallunilu.

Qinersineq

§ 8. Aalajangiunneqartut amerlanerussuteqarnikkut aalajangerneqartassapput

Imm. 2. Taasinerit nappaanikkut ingerlanneqartassapput

Imm. 3. Ataatsimiititaliami siulittaasup nalilerpagu suliap inerneru qularutissaanngingaarmat taasinissaq pisariaqanngitsoq siulittaasup taamatut paasinninnini oqaatigeriarlugu suliambut tunngatillugu qanoq aalajangiisoqassanersoq oqaatigisassavaa. Tamatuma kingorna ilaasortat arlaannaalluunniit taasisitsinissamik piumasqaateqanngippat borgmesteri nalunaaruteqassaaq nammineq paasinninnini naapertorlugu oqaatigisamisut suliassaq aalajangiivigineqartoq.

Aalajangiinnermi najoqqutassiaq

§ 9. Siulittaasup suliassaraa ataatsimiititaliap isumaqatigiissutigalugit aalajangigai aalajangersakkat allattorsimaffiannut nalunaarsussallugit. Nalornissuteqarnermi qanoq allattoqassanersoq tamanna siulittaasumit suliarineqassaaq.

Imm. 2. Ilaasortap kialuunniit piumasarisinnaavaa isummani allaasoq imaqarniliambut naatsumik allanneqaqqullugu, suliyanilu pisortatut oqartussaasumut allanut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaa. Ilaasortap taassuma suliap nassiunneqarnerani suliap ilaqartissinnaavaa nammineq isummaminut tunngavilersuutigisaminik. Ilaasortalli tamatuma allakkatigut aalajangersakkat allattorsimaffiannut isumaginnittuusumut tunniunnissaa akisussaaffigisavaa.

Imm. 3. Aalajangersakkat allattorsimaffiat ataatsimiinnerup naammassinerani ataatsimeeqataasimasunit atsiorneqassaaq. Ilaasortaq ataatsimiinneq tamakkerlugu peqataasimanngippat tamanna imaqarniliami nalunaarsorneqassaaq, oqaluuserisanilu sorlorni peqataasimannginnersoq ilanngullugu. Ilaasortat taasinerminnut innersuussuteqarlutik imaluunniit allanik pissuteqarlutik aalajangiinnernut imaqarniliamik atsiuinissartik tunuarsimaarfigisinnaanngilaat. Imaqarniliaq ataatsimiititaliap ilaasortaanut, sinniisussanut Najukkamilu Ataatsimiititaliap ataqatigiissaarisuanut nassiunneqartassaaq.

Imm. 4. Aalajangersakkat allattorsimaffiannut nalunaarsorneqartassaaq ataatsimiinneq qanga aallartinnersoq qangalu taamaatinnersoq

Nipangiussisussaataaneq

§ 10. Ataatsimiititaliami ilaasortat, qinigaanerminnut atatillugu paasissutissanik isertuussassanik paasitinneqarunik, tamatumunnga ilanngullugu ataatsimiinnermi matoqqasuni suliassanik, ilaasortat sukkulluunniit nipangiussisussaataanermi malittarisassanik sukkulluunniit atuuttunik malinnittussaataapput.

Allatseqarfimmit ikiortissaqarneq

§ 11. Najukkami Ataatsimiititaliat ataatsimiinnissamut atatillugu Kommuneqarfik Sermersuumit allaffissornikkut ikiorserneqartassapput.

Imm. 2. Najukkami Ataatsimiititaliat aningaasartuutaat ataatsimiinnermut tunngasut, assersuutigalugu nutserisoqarniarnermut allatseqarnermullu tunngasut Kommunalbestyrelsimit aningaasalersorneqartassapput.

Imm. 3. Ataatsimiititaliap tamatigut ataatsimiinneranit imaqarniliaq, siulittaasoq suleqatigalugu, allatseqarfimmit suliarineqartassaaq. Imaqarniliaq ataatsimiititaliap ataatsimiinnerata kingorna kingusinnerpaamik ullut suliffiit tallimat qaangiuppata ilaasortanut tunniunneqareersimassaaq.

Atortuulersitsineq il.il.

§ 12. Suleriaasissaq manna ulloq 28.08.2018 atuutilerpoq.

Imm. 2. Suleriaasissamut allannguutissatut siunnersuutit kommunalbestyrelsimut akuerisassanngorlugit saqqummiunneqassapput.